



Na osnovu člana 22 Statuta Brčko distrikta Bosne i Hercegovine – prečišćeni tekst (“Službeni glasnik Brčko distrikta BiH”, broj: 2/10), Skupština Brčko distrikta BiH, na 60. redovnoj sjednici, održanoj 11. marta 2020. godine, usvaja

## ZAKON

### O IZMJENAMA I DOPUNAMA ZAKONA O SUDSKIM TAKSAMAMA BRČKO DISTRIKTA BOSNE I HERCEGOVINE

#### Član 1

U Zakonu o sudskim taksama Brčko distrikta Bosne i Hercegovine (Službeni glasnik Brčko distrikta BiH, br. 05/01, 12/02 i 23/03), u članu 9 iza stava 2 dodaju se novi stavovi 3 i 4, koji glase:

„ (3) Sudska taksa ne plaća se u postupcima upisa u registar poslovnih subjekata, osim upisa osnivanja udruženja građana, uključujući mjesne zajednice.

(4) Od plaćanja sudske takse iz Tarifnih brojeva 12, 23, 25 i 28 oslobođeni su građani slabog imovnog stanja na osnovu potvrde Pododjeljenja za socijalnu zaštitu-Centra za socijalni rad.

Dosadašnji stav 3 postaje stav 5.“

#### Član 2

U članu 35 Zakona riječi „u zemljišnoknjižnom postupku“ se brišu.

#### Član 3

Iza člana 44 Zakona, dodaje se novi član 44a, koji glasi:

#### „Član 44a

(Povrat u slučaju sporazuma)

Ako se stranke u toku postupka, a najkasnije do zaključenja glavne rasprave sporazumiju da će pristupiti rješavanju spora u postupku medijacije i u postupku medijacije postignu sporazum, imaju pravo na povrat naplaćene takse u iznosu od 50%.“

#### Član 4

Tarifni broj 13 mijenja se i glasi:

„1.Podnesci

**Tarifni broj 13**

Za podnesak kojim se traži provođenje Rješenja Vijeća za izlaganje podataka o nekretninama i utvrđivanja prava na zemljištu Brčko distrikta BiH i Rješenja o nasljeđivanju ne plaća se taksa.“

## Član 5

Tarifni broj 14 mijenja se i glasi:

„2. Upis

### **Tarifni broj 14**

- 1.Za uknjižbu prava vlasništva ili prava građenja plaća se taksa u iznosu od 80 KM.
- 2.Za uknjižbu založnog prava plaća se taksa u iznosu od 80 KM.
- 3.Za uknjižbu prava služnosti plaća se taksa u iznosu od 30 KM.
- 4.Za uknjižbu stvarnog tereta plaća se taksa u iznosu od 30 KM.
- 5.Za uknjižbu etažnog vlasništva na osnovu etažnog plana plaća se taksa u iznosu od 80 KM.
- 6.Za razvrgnuće suvlasničke zajednice plaća se taksa u iznosu od 30 KM.
- 7.Za predbilješku plaća se taksa u iznosu od 30 KM.
- 8.Za opravdanje predbilješke plaća se taksa u iznosu od 50 KM.
- 9.Za zabilješku plaća se taksa u iznosu od 30 KM.
- 10.Za ispravku upisa plaća se taksa u iznosu od 30 KM.
- 11.Za brisanje stvarnog prava plaća se taksa u iznosu od 30 KM.
- 12.Ne plaća se taksa iz ovog tarifnog broja za:
  - upise u korist Distrikta,
  - upise koji se provode po službenoj dužnosti,
  - upise kojim se traži spajanje zemljišnoknjižnih uložaka,
  - službene radnje u postupku uređenja, zasnivanja i ispravljanja zemljišnih knjiga.

### **Napomena:**

U slučaju podnošenja jednog prijedloga kojim se predlaže provođenje više različitih upisa, a po više različitih osnova, taksa se plaća onoliko koliko iznosi taksa posebno za svaki od tih upisa.“

## Član 6

Tarifni broj 15 mijenja se i glasi:

### **„Tarifni broj 15**

Za žalbu protiv odluke suda u zemljišnoknjižnom postupku plaća se taksa u iznosu od 50,00 KM.

### **Napomena:**

U slučaju da žalba bude usvojena lice koje je platilo taksu ima pravo na povraćaj iste.“

### **Član 7**

Tarifni broj 18 mijenja se i glasi:

### **„Tarifni broj 18**

Za prijavu u sudski registar za osnivanje udruženja građana, uključujući mjesne zajednice plaća se taksa u iznosu od 50,00 KM.“

### **Član 8**

U tarifnom broju 19 tačke od 1 do 2b i od 3 do 11 se brišu.

### **Član 9**

Tarifni broj 20 se briše.

### **Član 10**

U tarifnom broju 28 tačka 3) se briše.

### **Član 11**

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-813/20  
Brčko, 11. 3. 2020. godine

**PREDSJEDNIK  
SKUPŠTINE BRČKO DISTRIKTA BiH  
Esed Kadrić**